



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Capitvlo Fvndano.

urn:nbn:de:hbz:466:1-20006

electo defectus valeat inveniri. Alioquin & factum electionis revocaremus in irritum, & personas eligentium puniremus.

*UNIVERSIS CHRISTI
fidelibus in Saxonia & Westfalia
constitutis.*

*Epist. 191.
Vt Livonien-
sem Episco-
pum, clerum,
& Ecclesiam
contra paganos
defendant.*

Sicut ecclesiasticae lationis censura compelli non patitur ad credendum invitos, sic sponte credentibus apostolica sedes, quae mater est omnium generalis, munimen suae protectionis indulget, & fideles ad defensionem eorum salubribus monitis exhortatur, ne si nuper conversis negatum fuerit defensionis auxilium, vel in primos revertantur errores, vel eos saltem poeniteat credidisse. Accepimus enim quoddam cum bonae memoriae M. Episcopus Livoniensis fuisset provinciam Livoniensem ingressus, in verbo Domini laxans praedicationis suae retia in capturam, inter populos barbaros, qui honorem Deo debitum animalibus brutis, arboribus frondosis, aquis limpidis, virentibus herbis, & spiritibus immundis impendunt, usque adeo Domino concedente profecit, ut multos a suis erroribus revocatos ad agnitionem perduceret veritatis, & sacri baptismatis unda renatos, doctrinis salutaribus informaret. Verum inimicus homo, qui tanquam leo rugiens circuit quaerens quem devoreret, invidens conversioni eorum pariter & saluti, persecutionem paganorum circumadjacentium in eos iniquis suggestionibus excitavit, cupientium eos delere de terra, & de partibus illis Christiani nominis memoriam abolere. Ne igitur nostrae negligentiae valeat imputari si hi qui jam crediderunt, retro cogantur abire, nec praesumant aliqui fidem nostram recipere, si illi qui jam receperunt, a paganorum incurfibus remanserint indefensi, universitatem vestram monemus & exhortamur attentius, in remissionem vobis peccaminum injungentes, quatenus nisi pagani circa Livoniensem Ecclesiam constituti cum Christianis treugas inire voluerint, & initas observarint, ad defensionem Christianorum qui sunt in partibus illis potenter & viriliter in nomine Dei exercituum assurgatis. Nos autem omnibus de partibus vestris qui sanctorum limina visitare voverunt, praesentium auctoritate concedimus ut in voti commutatione emissi, in defensio-

nem Livoniensis Ecclesiae ad partes illas pro reverentia nominis Christiani procedant. Omnes siquidem qui ad defendendam Livoniensem Ecclesiam & Christianos in illis partibus constitutos divino zelo succensi duxerint transeundum, sub beati Petri & nostra protectione suscipimus, & eis apostolici patrocini beneficii impertimur. Datum Laterani III. Nonas Octobris.

In eundem modum universis Christi fidelibus in Sclavia constitutis. In eundem modum universis Christi fidelibus trans Albiam constitutis.

*CIVITATENSI EPISCOPO,
Baronibus, Militibus, & universo populo
in Comitatu Civitatensi constitutis.*

Cum defensio vestra pariter & tutela specialiter ad nos, non solum ex sollicitudine pastoralis officij, verum etiam balij ratione pertineat, praeter id etiam quod regnum Siciliae ad jus & proprietatem apostolicae sedis dignoscitur pertinere, ne ab aliquo sustinere possitis molestiam vel gravamen, paterna duximus sollicitudine providendum. Inde est quod dilecto filio nobili viro R. Comiti Theatino, viro utique provido & prudenti, nostris dedimus litteris in mandatis ut ipse, qui vicinitate vobis ad defensionem & tuitionem melius potest intendere, vos protegat & defendat, nec permittat vobis gravamen aliquod irrogari. Quocirca universitati vestrae per apostolica scripta mandamus & districtè praecipimus quatenus eidem nomine regio tanquam procuratori nostro a nobis super hoc constituto de cetero intendentes, in omnibus necessitatibus vestris ejus consilium & auxilium requiratis. Datum Laterani VII. Idus Octobris.

CAPITULO FVNDANO.

Cassata olim electione Iohannis de Pastina, quem vobis elegeratis in pastorem, tam propter electionis vitium, quam electi defectum, vobis dedimus in mandatis ut conveniretis in personam idoneam pariter & honestam. Sed vos in vestra diutius contumacia persistentes, cassatam electionem nitebamini de novo innovare. Nos autem, licet potuissemus consulere per nos ipsos Ecclesiae tamdiu viduae pastore, adhuc tamen vos ad electionis concordiam curavimus

*Epist. 191.
Vt Theatino
Praefecto elec-
diant & obli-
quantur.*

*Epist. 191.
De electione
Episcopi Fun-
dani.*

invitare. Tandem cum nihil apud vos proficere videremus, vobis dedimus in mandatis ut infra certum terminum ad nostram presentiam veniretis, Episcopum recepturi. Venerabili etiam fratri nostro Terracinenfi Episcopo mandasse meminimus, ut nisi vos mandatum apostolicum impleretis, in vos tant officij quam beneficij suspensionis sententiam promulgaret. Ceterum vos adhuc contra vetita venientes, dilectum filium P. Primicerium vestrum adhuc acolythum, cum jam nullum vobis liceret eligere, in Episcopum elegistis. Quamvis autem personam ejusdem Primicerij ad majora etiam reputemus idoneam, utpote cujus scientiam & conversationem olim in scholis intelleximus plenius per nos ipsos; quia tamen propter defectum ordinis & contra interdictum apostolicum est electus, electionem ipsius, velut contra sanctiones canonicas attentatam, de fratribus nostrorum consilio duximus irritandam. Quia igitur vos non ad recipiendum Episcopum juxta mandatum nostrum, sed ad representandam nobis electionem, quam feceratis, ad sedem apostolicam accessistis, & ex hoc non implevisse mandatum nostrum sed illud probamini potius fuisse transgressi, dicto Terracinenfi Episcopo dedimus in mandatis ut ita in vos secundum formam priorum litterarum procedat, sicut contra vos, si non accessissetis ad Romanam Ecclesiam, fuerat processurus. Datum Laterani V. Idus Octobris.

Ita scriptum est super hoc.

ABBATI DE WALCHENRIETH.

Accedens ad presentiam nostram Gerlacus monachus tui monasterij, humili nobis insinuatione monstravit quod cum Missarum officia celebraret, animi negligentia faciente, verba canonis frequenter inordinatè protulit, propter quod ipsa verba, & quædam quæ Presbyter in ipso sacramento dominici corporis secundum ecclesiasticam constitutionem diligenti cura debet peragere, aliquoties iteravit. unde vehementi dolore commotus, sibi summitatem digiti sinistrae manus, qui index dicitur, amputavit. Nos autem ei præcepimus ut à Missarum celebratione deinceps abstinere, concedentes eidem ut injunctam sibi pœnitentiam peragens, de indulgentia nostra possit in aliis officiis mi-

nistrare; ipsūque tibi duximus remittendum, per apostolica scripta mandantes quatenus cum fraterna studeas caritate tractare. Datum Laterani II. Idus Octobris.

EPISCOPO, DECANO,
& Capitulo Pictaven.

Si debita solitudine pensaretis quid honoris & reverentiæ Romanæ Ecclesiæ debeatis, cui si non obeditur, nulla vobis reverentia poterit exhiberi, & quomodo vos in vestris petitionibus curaverit exaudire, in exequendis illis quæ vobis injungit nequaquam vos exhiberetis difficiles vel rebelles. Unde cum tempus advenerit opportunum, vestra duritia nos plenius informabit qualiter in postulationibus vestris communibus vel privatis debeatis nos benignos vel propitios invenire. Veruntamen si vigeret in vobis devotionis affectus & discretionis acumen, possetis in pluribus cognovisse non esse utile vel fructuosum Ecclesiis, mandatis apostolicis temeritate qualibet reluctari. Vos autem, filij Canonici, nihil horum intelligentiæ spiritu capientes, mandatum apostolicum, quod tam à felici memoriæ C. Papa prædecessore nostro quam à nobis ipsis postmodum pro dilecto filio W. Cameræ nostræ scriptore canonicando in vestra Ecclesia emanavit, contempsistis hactenus adimplere. Sanè cum venerabilis frater noster Episcopus & dilectus filius Archidiaconus Engolismenses, sicut ex litteris ipsorum accepimus, eundem W. de mandato ejusdem prædecessoris nostri Canonicum instituisent in Ecclesia Pictavenfi, procuratori suo locum in choro ejus nomine assignantes, omnes contradictores eadem auctoritate nuntiarunt excommunicationis sententia detineri, nobis postmodum approbantibus quod factum fuerat ab eisdem. Cumque bonæ memoriæ A. quondam Episcopus Pictaven. in nostra presentia ipsum scriptorem in fratrem & Canonicum ejusdem Ecclesiæ recepisset, eidem Episcopo viva voce, deinde verò dilectis filiis Decano, Cantori, & I. Morel Canonico Xantonenfis nostris litteris districtè dedimus in mandatis ut eum canonicam ipsam facerent plenè ac pacificè possidere, contradictores & rebelles per districtiōnem ecclesiasticam compescerent. Nos etiam irritantes si quid

*Epist. 195.
Vt Vv. Cameræ apostolicæ scriptorem in Canonicum recipiant.*

M m m iij

*Epist. 194.
Vt Gerlacus monachus, qui indicem sibi protulit, à celebratione Missarum arceatur.*